



BOSNA I HERCEGOVI NA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Tel 032650 022
032 650 547
Fa 032650 416

www.opcina-tesanj.ba
E-mail: optesanj@bih.net.ba
fuad.sisic@opcina-tesanj.ba



Trg Alije Izetbegovića 11,
74260 Tešanj

Broj: 02-49-2-992/12

Datum: 10.04.2012. godine

OPĆINSKO VIJEĆE
o v d j e

PREDMET: Informacija o poslovanju javnih preduzeća u 2011. godini,-

Ova Informacija urađena je prvenstveno na bazi izvještaja koje su dostavila javna preduzeća i ima za cilj da informiše vijećnike i širu javnost o pomenutoj problematici i prezentuje kraći presjek najvažnijih aktivnosti preduzeća, kao i da omogući uvid u pregled osnovnih stavki finansijskog poslovanja. Ovdje su samo naznačeni osnovni pokazatelji, a u prilogu se nalaze izvještaji dostavljeni predsjednicima klubova svih stranaka.

Podsjećamo, polovinom 2011. godine okončana je privatizacija JP "Veterinarska stanica" doo Tešanj. Novi vlasnik Veterinarske stanice je "MADI" doo Tešanj.

Općina Tešanj, odnosno Općinsko vijeće Tešanj osnivač je tri javna preduzeća:

1. JP „TOPLANA d.d.
2. JP „RAD“ d.d.
3. Agencija za razvoj općine „TRA“ d.o.o.

U daljem pregledu dajemo kratak presjek osnovnih aktivnosti za dva javna preduzeća JP "TOPLANA" d.d. i Agencija za razvoj općine „TRA“ d.o.o., čiji su godišnji izvještaj o radu razmatrale skupštine ovih preduzeća. Godišnji izvještaj o radu za JP „RAD“ d.d. nije razmatran na skupštini ovog preduzeća pa će njegov izvještaj o radu biti predmet razmatranja na jednoj od narednih sjednica Općinskog vijeća.

JP „TOPLANA“

U toku 2011. godine u JP „Toplana“ zbog problema u realizaciji zacrtanih planskih ciljeva (realizovani sa 25%) došlo je do smjene direktora društva. Od imenovanja novog direktora, prema ocjeni Nadzornog odbora društva poboljšana je komunikacija i saradnja između direktora i Nadzornog odbora. Direktor redovno realizuje odluke Nadzornog odbora i o istim ga izvještava, uvažava sugestije i primjedbe Nadzornog odbora. Ovim su stvorene pretpostavke za početak realizacije zacrtanih planskih zadataka, smanjenju nenaplaćenih potraživanja, smanjenu troškova poslovanja JP „Toplana“ u 2011. godini i pozitivnim poslovanjem.

Značajno je napomenuti da je kod jednog od prioriternih ciljeva koji tokom 2010. nije realizovan – proširenje vrelovodne mreže za pripremljeni projekt vrelovoda Simetrane – SŠC, započeta realizacija u skladu sa usvojenim termin planom. Realizacija projekta toplifikacije srednjih škola realizovati će se zajedničkim finansiranjem JP „Toplana“, Ministarstva obrazovanja, nauke kulture i sporta ZDK i Općine Tešanj. Dio sredstva za finansiranje ovog projekta vrijednog 600.000,00 KM biti će obezbjeđen iz kreditne linije Razvojne banka FBiH.

Poslovni ciljevi za 2011. godinu i tekući period 2012. godine realizovani su u cjelosti: realizovane sve aktivnosti za tolikaciju srednjih škola, naplata potraživanja od kupaca, pozitivan finansijski rezultat i djelimično: smanjenje internih troškova poslovanja i realizacija definisanih ciljeva kvaliteta.

Kako bi se stvorile bolje pretpostavke za realizaciju jedne od značajnih aktivnosti u redovnom poslovanju i na kojoj treba dalje istrajavati - obračun potrošnje toplotne energije preko mjerača utroška toplotne energije, u saradnji sa nadležnom Općinskom službom u pripremi je nova Odluka o zagrijavanju Tešnja daljinskim grijanjem. Odlukom će biti stvorene pretpostavke da iskazano nezadovoljstvo strateških potrošača toplotne energije ne dovede do otkazivanja ugovora kao što je bila situacija sa jednim od najvećih potrošača MANN+HUMMEL BA.

Finansijski rezultati poslovanja JP „Toplana“ u izvještajnom periodu su: ostvaren ukupna prihod iznosi 1.466.970,00 KM, što je u odnosu na prethodnu godinu smanjenje za 163.312,00 ili 10%. Ostvareni ukupni rashodi u obračunskom periodu iznose 1.447.814,00 KM i u odnosu na prošlu godinu smanjeni su za 10,5%, dok je neto dobit ostvarena u iznosu od 16.886,00 KM i veća je u odnosu na prethodnu godinu za 62%. U toku 2011. godine JP „Toplana“ je imala 24 zaposlena radnika koji su ostvarili prosječnu neto platu u iznosu od 905,17 KM ili 20,7% više nego u prethodnoj godini.

Nadzorni odbor JP „Toplana“ utvrdio je operativne ciljeve i ciljeve kvaliteta koji su postavljeni za 2012. godinu: zadržati postojeće kupce, nastaviti realizaciju projekta tolikacije srednjih škola, smanjenje internih troškova za 5%, ostvariti 30% naplate potraživanja od kupaca, ostvariti pozitivno poslovanje.

U finansijskom izvještaju i mišljenju neovisnog revizora istaknuto je: potraživanja od kupaca u iznosu od 800.143,00 KM su precijenjena najmanje za utužena potraživanja u iznosu od 209.032,00 KM. Nije izvršena procjena naplativosti potraživanja od kupaca i za procjenjeni iznos nenaplativosti nije korigovan ranije priznati prihod, pa stoga revizija ne može potvrditi da su ukupno iskazana potraživanja realna i da će se u cijelosti naplatiti. Izuzev ove primjedbe finansijski izvještaj prikazuje objektivno, u svim materijalno značajnim aspektima finansijski položaj društva na dan 31.decembar 2011. godine.

Agencija za razvoj općine Tešanj „TRA“

U toku 2011. godine Agencija je započela rad u punom kapacitetu. Tokom 2011. godine Agencija je imala obavezu zbog potrebe prijave projekata i evidentiranja donatorskih sredstava, izvršiti usklađivanje normativnih akata i usklađivanje djelatnosti društva te završiti fiskalizaciju.

Tokom izvještajnog perioda uposlenici Agencije su prisustvovali na 12 edukacija-seminara, kako bi dopunili svoja znanja u oblasti izrade projekata i upravljanja projektnim ciklusom po EU metodologiji te doprinijeli podršci malih i srednjih preduzeća i lokalnom ekonomskom razvoju.

U toku 2011. godine Agencija je svojim projektima aplicirala prema IPA fondovima i EU. Jedan broj projekata, tačnije njih 9 je u fazi ocjenjivanja, 4 su u fazi implementacije, dok je jedan projekt iz oblasti kulture i zaštite kulturno-historiskog nasljeđa odbijen od strane komisije EU zbog odustajanja partnera. Ukupno vrijednost urađenih projekata je 3.404.804,57 KM, dok je ukupna vrijednost odobrenih projekata u 2011. godini 376.740,69 KM. Radi se o projektima iz oblasti podrške malom i srednjem poduzetništvu, kulture i zaštite kulturno historijskog nasljeđa, energetske učinkovitosti i reciklaže otpada.

U završnoj fazi realizacije su Projekt „Obuka i certificiranje zavarivača“ i Projekt „Obuka i certificiranje mehanotroničara“, realizirani u saradnji sa Mješovitom srednjom školom Tešanj i odobreni i finansijski podržani od strane Federalnog zavoda za zapošljavanje i USAID Sida Firma Projekt. Realizacijom ovih projekata stvoreni su uslovi za novo zapošljavanje 30 radnika, dok su 22 kandidata prošli dokvalifikaciju i zadržali postojeće zaposlenje. Osim toga u Mješovitoj srednjoj školi Tešanj opremljen je kabinet mehanotronike (informatička oprema, pneumatika, elektropneumatika).

Agencija je predstavljala općinu Tešanj na Business forumu Sarajevo na kome je potencijalnim investitorima predstavljena poslovna zona „Vila“, te privredni potencijali Općine Tešanj. Agencija je ostavila i niz kontakata sa ambasadama, drugim razvojnim agencijama, međunarodnim organizacijama i privrednicima. Agencija je kontinuirano ostvarivala kontakte sa privrednim društvima, pozivala ih na razgovore i organizirala posjete. Sa udruženjem privrednika Biznis Centar Jelah-Tešanj nastavljeni su partnerski odnosi i inicijative za uspostavljanje privredne saradnje privrednika sa područja općine Tešanj i privrednika Makedonije i Albanije, te formiranje građevinskog konzorcija.

U svom poslovanju Agencija je još uvijek u cijelosti oslonjena na finansiranje iz budžeta Općine Tešanj. U toku 2011. godine Agencija je imala 4 zaposlena radnika koji su ostvarili prosječnu neto platu u iznosu od 1.109,47 KM.

Nadzorni odbor Agencije usvojio je Plan rada za 2012. godinu. U skladu s tim Agencija će nastaviti na aktivnostima započetim u 2011. godini, odnosno rad na projektima koji su vezani za realizaciju ciljeva iz Strategije razvoja općine Tešanj i koji predstavljaju prioritet. Ovim planom predviđeno je proširenje djelatnosti Agencije organizovanjem edukacije odraslih kroz redovnu djelatnost kao i aktivnosti koje se odnose na realizaciju projekta kanalizacionog sistema i vodosnadbijevanja općine Tešanj, poslovne zone Vila i Glinište, projekt proširenja toplifikacije, razvoj turizma, poljoprivrede, partnerstva te jačanje kapaciteta agencije.

U finansijskom izvještaju i mišljenju neovisnog revizora istaknuto je: finansijski izvještaj realno i objektivno u svim značajnim aspektima odražava finansijski položaj društva.

Smjernice:

JP „TOPLANA“

1. Vratiti strateške kupce
2. Poboljšati naplatu potraživanja
3. Okončati projekt toplifikacije srednjih škola i na tom dijelu magistralnog voda stvoriti pretpostavke za priključenje novih korisnika
4. Cijene isporuke toplotne energije putem kalorimetara trebaju biti stimulativne za korisnike u cilju ušteda u potrošnji toplotne energije

Agencija za razvoj općine Tešanj „TRA“

1. Aktivnosti „TRA“ nastaviti u smjeru izrade odgovarajućih aplikacija za realizaciju strateških opredjeljenja Općine
2. Iznalaziti vanjske izvore finansiranja za prethodne aplikacije
3. Usmjeriti aktivnosti ka poslovnom savjetovanju poduzetnika i njihovom povezivanju
4. Snažnije aktivnosti na privlačenju investitora i pripremi osposobljavanja upravljanja poslovnim zonama

OBRADIVAČ
Služba za finansije i ekonomiju

Hamzaliya Hojkurić,dipl.oec.

OPĆINSKI NAČELNIK

Fuad Šišić,dipl.ing.maš.